

SETO

Kuningriigi latsipäiv

3. augustil 2007.a.
Obinitsah

**Kokko saias Obinitsa kaldõ pääl
kividse laulimä man, a ku vihma
satas, sis galeriis "Hal' as Kunn"**

✕ **10.00 – 10.30 Vällähõikaminõ**

Nuursootska tervitüs

Opitarõdõ tutvustus

Opitarrihe jagaminõ

✕ **10.30 – 11.30 Opitarõ'**

Korvikudaminõ (seltsimaja moro pääl)

Joonstaminõ (galeriis)

Käsitüü (muuseumih)

✕ **11.45 – 12.45 Opitarõ'**

Süüke tegeminõ (seltsimajah)

Hobõstõ kaeminõ (galeriis iih)

Seto rõividõst kõnõlõminõ (muuseumih)

✕ **13.00 – 13.45 Lõõnah (seltsimajah)**

✕ **14.00 – 15.00 Soomõ-ugri opitarõ'**

Kaetas ja proomtas mängi' pille

Laulminõ, tandsminõ ja mängminõ

✕ **15.00 – 16.00 Külälisõ' esinõ'**

✕ **16.00 – 16.30 Aig hindä jaost
(ojominõ)**

✕ **16.45 – 17.00 Sõidõtas Navikõsõ
küllä**

✕ **17.15 – 18.00 Sportmisõ aig**

✕ **18.15 – 18.45 Nuursootska valimi-
nõ ja kinnitaminõ**

✕ **19.00 Lihaküdsämisõ õdak, kir-
mas, tiidmistõmäng**

Üüd oldas Obinitsa koolimajah. Magama jäiäs hällü-
laulõ lautõh ja jutussit aiõh.

**Kirjapandminõ nuuripääväl: Maarja Hörn,
5622 2848; maarjah6rn@hotmail.ee vai Seto seltsi-
maja – tel. 7861 412**

Noorõ' pääl edimätsõ klassi lõpõtämist võiva' uma'
imä' ja esä' kodo jättä' ja tulla' ütsindä, a väikoba'
latõ' piat õks tulõma täüskasunuga'.

Kohalõ sõitmisõ probleemi' aja juundõ kõrraldaja,
kõnõlgõ' timäga'.

Kol' opitarõ om ütäl ja samal aol, tulõ valli', õt
mäntsehe tahat minnä'.

Mõtõlgõ' kotõh valmist, õt kedä tii' tahasi' vahtsõst
nuursootskast.

Seto nuuri aastatsõõr

Hõrna Maar' a

XXXXXXXXXXXXXXXXXXXXXXXXXXXX

Tiiä-äi', kas s'oo tulõ tuust, õt minevä aastaga sai noorilõ uma sootska valitus vai min-kõstki' muust, a üldä', õt noorõ' olõ-õi' s'oo aastaga kõrralitsõ' uma kultuuri vasta olnu', saa-ai. Ku' aastatsõõrilõ tagasi kaia', sõs ikäv olõ-õi' olnu' ütēgi nulga nooril. Om eis' iist vöödõt ja om tõisiga ütēh mint. Kiä' eis' mineväl latsipääväl Karisillal ja Lüübnitsah olli', nuu' tiidvä' väiga hõste, õt edimätsõst nuurisoostkast valiti Vabarna Jalmar. Latsipäiv vidi hinnäst hõste õdaguhe ja noorõ' jäivä' rahulõ. Augusti lõpuh lätsi' mõnõ' noorõ' maar'apääväl Petserehe kaema, õt kuis s'oo kuulsa pühä pidäminõ vällä näge. Olti ka' Truba küllä kirmasõl, mia' om kindlahe üts tugõvabit kirmasit Petsere kandih.

Kihnu sõit

Seto esindüsega, kiä' Kihnu saarõlõ sõidi', vöödõti ütēh ka' paras pargikõnõ nuuri. Kihnuh om umakultuur niisamatõ väiga avvu seeh ka nuuri siäh. Väiga hüä oll kokko saia' ummi kultuurinaabritõga' ja nätä', kuis nimä' ummi kombit hoitva'. Näütüses käävä' pall'o' noorõ' koolih ummi triibulistõ kõrtēga' (seeligu').

Vasta talvõ alost tüüd Seto Kuninglik Teatristuudio. Jaanuarist naksi' vällävalitu' noorõ' õga pühapäiv Tartohe k' auma, koh Vanõmuisõ näütēljä' opsi', õt kuis mitte näüdelä'. Kodokandih anti kõrralõ teatrioppusõlõ ka' ummi kombidõ oppust. Nii saa kõrradapiteh seto tiatrit tetä'.

Kokko nakas aktiivsõmbalt k' auma jalki' Seto Noortõ Selt, minkõ päälkust sai Liivago Imre Miktämäe kandist. Veebruari algusõh k' auti är mõtsah külmä käeh — vöödõti ette üts talimat.

Zeto-ts'urril oll märtsih tõõnõ välismainõ püünepääl astminõ Poolah. Sääl olli' Eesti päävä' Krakowi liinah klubih Zaczek. Esineminõ läts hõste ja müüdi ka' pall'o' tsõõrikplaatõ.

Märtsih vöödõti kokko üts hulk Obinitsa nuuri ja ütēhkuuh sõidõti küllä hõimlastõlõ Tatari maalõ. S' oost tull vällä küll ütēh sehkendüste rohkõ sõit, a ku kaia' nuuri umavaihtõlist läbisaamist ja ütēh kul' atamist, sis ma küll' mõtlõ, õt s'oo reis läts väiga as' a ette.

Meremäe kooli man om naanu' kokko k' auma vahtsõnõ pundikõnõ latskõisi, kedä kutstas folkloorirühmäst Helmekese'. Näio' eis' omma' viil väigokõsõ', a tahtminõ laul-ta', tandsi' ja ilota' om suur. Nii omma' Helmekese' võtnu' osa jo Meremäe kandi kirmastõst ja Võro folkloorifestivalist. Alostus paistus nail hüä.

Verska nuuritarõ

1. juunil tetti vallalõ Verskah nuuritarõ valu koolimaja kõrral. Parhilla' omm' pall'o'



PUNUVAD SIBULAVANIKUID: eelmisel nuuripäeval Lüübnitsas. Lõivu Merlini foto

tarõ' viil tühä', a kül' sinnä' ka' miägi' sisse pandas. Mõnõ' arvuti' ja piljadrilavva' omma' jo paigah. Nuuritarõh tüütäs Verska kooli vilistlanõ ja ak-

✕ **Obinitsah toimusõ' jo
mitmõndat aastat jalgpalli-
võistlusõ', kost võtt osa
ka' pia õga Setomaa kandi
võistkond**

tiivnõ nuur Kruusamäe Mee-
like.

Verska nooril tull Leelopääväst vällä tsõõrikplaat. Plaadi pääl om 33 laulu- ja pilliluku. Plaat vöödõti üles Verska Kultuurikeskõsõh Tammõ Jaani puult. Sääl om kar'alaulõ ku ka' unõlõlõ mälestüesest vannulõ Laanõtsirgu vilistlastõlõ ku ka' noorilõ huvilistõlõ. Plaati saa osta' Setomaa muuseumõst ja Verska Gümnaasiumist.

Timahava oll Leelopäiv järjekõrra numbrilõ jo XI ja kandisõ nimme „Elotsõõr“. Leelopäävä alost jumalateenüstus Verka kerkoh. Verska muu-

seumi mant läts minemä väiga võimas rongk' auk. Üles astsõ' pall'o' leelokoorõ nii Setomaa ku ka' väläst puult. Pääle kontserti näütsi' Verska ts'ura' Zetod, kuis tetäs seto laulu läbi peen'okõsõ rokkvõtmõ. Küllä oll kutsut kul' atamma ka Kihnu poisi'. Ka taivaesä oll hüäh tujoh ja laskõ meil ilotõlla' päävä käeh.

Seto lauluimäst, Taarkast, nakati s'oo suvi filmi tegemä. Õks oll sinnä' ka' pall'o' nuuri vaia. Nuu' noorõ', kiä' haari' kinni s'oo võimalusõst nätä', õt kuis filmi tetäs ja kuismuu-

du sääntse' as' a käävä', sai' kindlahe pall'o' targõbast ja võipolla' tull mõnõl iso edesi oppi määnestki' filmivigurit.

Obinitsah toimusõ' jo mitmõndat aastat jalgpallivõistlusõ', kost võtt osa ka' pia õga Setomaa kandi võistkond. Nii olgi' timahava mängmäh Verska, Miktämäe, Obinitsa ku ka' Miss' o kandi nuuri huvilitsi. Märgõta, õt ka' s'oo om ütē viis, kuis seto noorõ' umavaihtõ kokko saava' k' avvu'.

Kindlahe oll s'oo aastagal nätä' õga nulga kirmassil inäbä nuuri kaemah ja ütēh ilotamah. Verska jüripäävä kirmasõl perüs pall'o' nuuri laulmah ja tandsmah.

Siih tahasi' üldä' tõisilõ seto noorilõ, õt võtkõ' õks uma kodokandi kirmassist osa — s'oo ommõgi' kotus, koh tii' saat oppi' vannu käest, kuis laul-ta' ja olla' pido pääl, kul' ata' ja ka' rahvarõivit kanda'. Ku' eis' tahta', sis om õgal puul hüä ja ilolinõ olla'. ■